

江

西

詩

徵

江西詩徵卷一

南城曾煥賓谷編

晉

陶潛

潛字元亮一字淵明潯陽柴桑人曾祖侃晉大司馬少有高趣博學善屬文親老家貧起爲州祭酒不堪吏職少日自解歸州召主簿不就躬耕自資執事者以爲彭澤令歲終會郡遣督郵至縣吏請束帶見之淵明嘆曰吾豈能爲五斗米折腰向鄉里小兒卽日解綬去其妻翟氏亦能安勤苦與夫同志自以曾祖晉世宰輔恥復屈身後代自宋高

祖王業漸隆不復肯仕元嘉四年將復徵命會卒
時年六十三世號靖節先生

停雲

停雲思親友也罇湛新醪園列初榮願言不從歎

息彌襟

靄靄停雲濛濛時雨八表同昏平路伊阻靜寄東軒春醪
獨撫良朋悠悠搔首延佇

停雲靄靄時雨濛濛八表同昏平陸成江有酒有酒閒飲
東窻願言懷人舟車靡從

東園之樹枝條再榮競朋親好

一作競用
新好非

以怡

一作
招非

余情

人亦有言口月于征安得促席說彼平生

翩翩飛鳥息我庭柯歛翮閒止好聲相和豈無他八念子
實多願言不獲抱恨如何

時運

時運游暮春也春服旣成景物斯和偶影獨游欣

慨交心

邁邁時運穆穆良朝襲我春服薄言東郊山滌餘霽餘霽
微消一作字暖有風自南翼彼新苗

洋洋平津乃漱乃濯邈邈遐遐景載欣載囑人亦有言稱心

易足

一作稱心而言
人亦易足非

揮茲一觴陶然自樂

延目中流悠悠

一作
悠想

清沂童冠齊業閒詠以歸我愛其靜

寤寐交揮但恨殊世邈不可追

斯晨斯夕言息其廬花藥分列林竹翳如清琴橫牀濁酒
半壺黃唐莫逮慨獨在余

榮木

榮木念將老也日月推遷已復有夏總角聞道白

首無成

采采榮木結根于茲晨耀其華夕已喪之人生若寄顛顛
有時靜言孔念中心悵而

采采榮木于茲托根繁華朝起慨暮不存貞脆由人禍福
無門匪道曷依匪善奚敦

嗟余小子稟茲固陋徂年旣流業不增舊志彼不舍安此
日富我之懷矣怛然內疚

先師遺訓余豈云墜四十無聞斯不足畏脂我名一作車
策我名驥千里雖遙孰敢不至

贈長沙公族祖

長沙公於余爲族祖同出大司馬昭穆旣遠已爲
路人經過潯陽臨別贈此

同源分流人易世疎慨然寤歎念茲厥初禮服遂悠歲往
月徂感彼行路眷然躊躇

於穆令族允構斯一作新堂諧氣冬暄一作輝映懷圭璋爰采

春花載警秋霜我曰欽哉寶宗之光

伊余云邁在長志同笑言未久逝焉西東遙遙三湘滔滔
九江山川阻遠行李時通

何以寫心貽此話言進簣雖微終焉爲山敬哉離人臨路
悽然歎襟或遼音問其先

酬丁柴桑

有客有客爰來爰止秉直司聰子惠百里飡勝如歸矜善

若始

矜善一作聆音

匪惟諧也屢有良游

一作由非

載言載眺以寫我憂放歡一遇

旣醉還休實欣心期方從我遊

答龐參軍

龐爲衛軍參軍從江陵使上都過潯陽見贈

衡門之下有琴有書載彈載詠爰得我娛豈無他好樂是
幽居朝爲灌園夕偃蓬廬

人之所寶尙或未珍不有同好云胡以親我求良友實觀

懷人懽心孔洽棟宇惟

一作
爲非鄰

伊余懷人欣德孜孜我有旨酒與汝樂之乃陳好言乃著
新詩一日不見如何不思

嘉遊未斃誓將離分送爾于路衙觴無欣依依舊楚邈邈
西雲之子之遠良話曷聞

昔我云別倉庚載鳴今也遇之霰雪飄零大藩有命作使
上京豈忘宴安王事靡寧

慘慘寒日肅肅其風翩彼方舟咨裔江中勗哉征人在始
思終敬茲良辰以保爾躬

勸農

悠悠上古厥初生人傲然自足抱朴含真智巧既萌資待
靡因誰其贍之實賴哲人

哲人伊何時爲后稷贍之伊何實曰播殖舜既躬耕禹亦
稼穡遠若周典八政始食

熙熙令音猗猗原陸卉木繁榮和風清穆紛紛士女趨時
競逐桑婦宵興農夫野宿

氣節易過和澤難久冀缺攜儷沮溺結耦相彼賢達猶勤
蠶畝矧伊衆庶曳裾拱手

民生在勤勤則不匱宴安自逸歲莫奚翼僧石不儲饑寒
交至顧爾儔列能不懷愧

孔耽道德樊須是鄙董樂琴書田園不履若能超然投迹

高軌敢不歛衽敬讚德美

命子

悠悠我祖爰自陶唐邈爲虞賓歷世重光御龍勤夏豸韋
翼商穆穆司徒厥族以昌

紛紛戰國漠漠衰周鳳隱於林幽人在邱逸虬遶雲奔鯨
駭流天集有漢眷余愍侯

於赫愍侯運當攀龍撫劍夙

一作風

邁顯茲武功書誓山河

啓土開封壘壘丞相允迪前蹤

渾渾長源鬱鬱洪柯羣川載導衆條載羅時有語默運因
隆窅在我中晉業融長沙

桓桓長沙伊勳伊德天子疇我專征南國功遂辭歸臨寵

不忒孰謂斯心而近可得

肅矣我祖慎終如始直方二臺惠和千里於皇仁考澹焉

虛止寄迹風雲冥

冥一作非

茲愜喜

嗟余寡陋瞻望弗及顧慚華鬢負影隻立三千之罪無後

爲愆

一作復其急非

我誠念哉呱聞爾泣

卜云嘉日占亦良時名汝曰儼字汝求思溫恭朝夕念茲
在茲尙想孔伋庶其企而

厲夜生子遽而求火几百有心奚特於我既見其生實欲
其可人亦有言斯情無假

日居月諸漸免于孩福不虛至禍亦易來夙興夜寐願爾
斯才爾之不才亦已焉哉

歸鳥

翼翼歸鳥晨去于林遠之八表近憇雲岑和風不洽翻翻
求心顧儁相鳴景庇清陰

翼翼歸鳥載翔載飛雖不懷游見林情依遇雲頽頽相鳴
而歸遐路誠悠性愛無遺

翼翼歸鳥馴林徘徊豈思天路欣及舊棲雖無昔侶衆聲
每諧日夕氣清悠然其懷

翼翼歸鳥戢羽寒條游不曠林宿則森標晨風清興好音
時交贈繳奚施已卷安勞

形影神三首

貴賤賢愚莫不營營以惜生斯甚惑焉故極陳形

影之苦言神辨自然以釋之好事君子共取其心焉

形贈影

天地長不沒山川無改時草木得常理霜露榮

一作惟非

悴之

謂人最靈智獨復不如茲適見在世中奄去靡歸期奚覺無一人親識豈相思但餘平生物舉目情懷而我無騰化術必爾不復疑願君取吾言得酒莫苟辭

影答形

存生不可言衛生每苦拙誠願游崑華邈然茲道絕與子相遇來未嘗異悲悅憩蔭若暫乖止日終不別此同既難常黜爾俱時滅身沒名亦盡念之五情熱立善有遺愛胡

爲不自竭酒云能消憂方此証不劣

神釋

大鈞無私力萬理自森著人爲三才中豈不以我故與君
雖異物生而相依附結託善惡同安得不相語三皇大聖
人今復在何處彭祖愛一作壽非永年欲留不得住老少同一
死賢愚無復數日醉或能忘將非促齡具立善常所欣誰
當爲汝譽甚念傷吾生正宜委運去縱浪大化中不喜亦
不懼應盡便須盡無復獨多慮

九日閒居一首

余閒居愛重九之名秋菊盈園而持醪靡由空服

九華寄懷於言

世短意常多，斯人樂久生。日月依辰至，舉俗愛其名。露凄暄風息，氣澈天象明。在燕無遺影，來鴈有餘聲。酒能祛百慮，菊解一作非制頽齡。如何蓬廬士，空視時運傾。塵爵恥虛罍，寒華徒自榮。歛襟獨閒謠，緬然起深情。棲遲固多娛，淹留豈無成。

歸田園居五首

少無適俗韻，性本愛邱山。誤落塵網中，一去三十年。羈鳥戀舊林，池魚思故淵。開荒南野一作畝際，守拙歸園田。方宅十餘畝，草屋八九間。榆柳蔭後簷，一作闕桃李羅堂前。曖曖遠人村，依依墟里烟。狗吠深巷中，鷄鳴桑樹顛。戶庭無塵雜，虛室有餘閒。久在樊籠裏，復得返自然。

野外罕人事窮巷寡輪鞅白日掩荆扉虛室一作對酒絕塵想

時復墟曲中一作披草共來往相見無雜言但道桑

麻長桑麻日已長我土日已廣常恐霜霰至零落同草莽

種豆南山下草盛豆苗稀晨興理荒穢帶月荷鋤歸道狹

草木長夕露沾我衣衣沾不足惜但使願無違

久去山澤游浪莽林野娛試攜子姪輩披榛步荒墟徘徊

邱壠間依依昔人居井竈有遺處桑竹殘朽株一作樹木

借問採薪者此人皆焉如薪者向我言死沒無復餘一世

異朝市此語真不虛人生似幻化終當歸空一作虛無

悵憾獨策還崎嶇歷榛曲山澗清且淺可一作以濯吾足

漉我新熟酒隻雞招近屬一作局日入室中開荆薪代明燭

歡來苦夕短已復至天旭

遊斜川一首

辛丑正月五日天氣澄和風物閒美與二三鄰曲
同遊斜川臨長流望曾城魴鯉躍鱗於將夕水鷗
乘和以翻飛彼南阜者名實舊矣不復乃爲嗟歎
若夫曾城傍無依接獨秀中阜遙想靈山有愛嘉
名欣對不足率爾賦詩悲日月之遂往悼吾年之
不留各疏年紀鄉里以記其時日

開歲條五十日

一作非

吾生行歸休念之動中懷及辰爲茲游

氣和天惟澄班坐依遠流弱湍馳文魴閑谷矯鳴鷗迴澤
散游日緬然涕曾邱雖微九重秀願瞻無匹儔提壺接賓

侶引滿更獻酬未知從今去當復如此否中腸一作勝非縱遙
情忘彼千載憂且極今朝樂明日非所求

示周續之祖企謝景夷三郎

負病頽簷下終日無一欣藥石有時間念我意中人相去
不尋常道路邈何一作無非因周生述孔業祖謝響然臻道喪
向千載今朝復斯聞馬隊非講肆校書亦已勤老夫有所
愛思與爾爲鄰願言誨諸子從我潁水濱

乞食

饑來驅我去不知竟何之行行至斯里叩門拙言辭主人
解余意遺贈豈虛來談諧終日夕觴至輒傾杯情欣新
歡言詠遂賦詩感子漂母惠愧我非韓才衙豈知何謝冥

報以相貽

諸人共遊周家墓栢下

今日天氣佳清吹與鳴彈感彼栢下人安得不爲歡清歌
散新聲綠酒開芳顏未知明日事余襟良已殫

怨詩楚調示龐主簿鄧治中

天道幽且遠鬼神茫昧然結髮念善事僂俛六九年弱冠
逢世阻始室喪其偏炎火屢焚如螟蟻恣中田風雨縱橫
至收斂不盈屋夏口抱長一作長抱饑寒夜無被眠造夕思雞
鳴及晨燠烏遷在已何怨天離憂悽目前吁嗟身後名於
我若浮烟慷慨獨悲歌鍾期信爲賢

答龐參軍

三復來貺欲罷不能自爾鄰曲冬春再交欸然良對忽成舊遊俗諺云數面成親舊況情過此者乎人事好乖便當語離楊公所歎豈惟長悲吾抱疾多年不復爲文本旣不豐復老病繼之輒依周孔往復之義且爲別後相思之資

相知何必舊傾蓋定前言有客賞我趣每每顧林園談諧無俗調所說聖人篇或有數斟酒間飲自歡然我資幽居士無復東西緣物新人惟舊弱毫多所宣情懷萬里外形跡滯江山君其愛體素來會在何年

五月旦作和戴主簿

虛舟縱逸棹回復遂無窮發歲始俛仰星紀奄將中明兩

萃時物

一作南隱
萃物非

北林榮且豐神淵寫時雨晨色奏景風

既來孰不去人理固有終居常待其盡曲肱豈傷冲遷化
或夷險肆志無窳隆卽事如己高何必升華嵩

連雨獨飲

運生會歸盡終古謂之然世間有松喬於今定何闕故老
贈余酒乃言飲得仙試酌百情遠重觴忽忘天天豈去此
哉任真無所先雲鶴有奇翼八表須臾還自我抱茲獨儂
俛四十年形骸久已化心在復何言

移居二首

昔欲居南村非爲卜其宅聞多素心人樂與數晨夕懷此
頗有年今日從茲役弊廬何必廣取足蔽床席鄰曲時時

來抗言談在昔奇文共欣賞疑義相與析

春秋多佳日登高賦新詩過門更相呼有酒斟酌之農務各自歸閒暇輒相思相思則披衣言笑無厭時此理將不勝無爲忽去茲衣食當須幾

一作紀非

力耕不吾欺

和劉柴桑

山澤久見招胡事乃躊躇直爲親舊故未忍言索居良辰入奇懷挈杖還西廬荒塗無歸人時時見廢墟茅茨已就治新疇復應畚谷風轉淒薄春醪解饑飢弱女雖非男慰情良勝無棲棲世中事歲月共相疎耕織稱其用過此奚所須去去百年外身名同翳如

酬劉柴桑

窮居寡人用時忘四運周空一作庭多落葉慨然知己秋
新葵鬱北牖嘉穉脊一作南疇今我不爲樂知有來歲不
命室攜童弱良日登遠遊

和郭主簿二首

馮謫堂前林中夏貯清陰凱風因時來回飈開我襟息交
逝閒臥坐起弄書琴一作息交遊閑業園蔬有餘滋舊穀

猶儲今營已良有極過足非所欽春秋作美酒酒熟吾自

斟弱子戲我側學語未成音此事真復樂聊用忘華簪遙

遙望白雲懷古一何深

和澤周三春清涼素一作秋節露凝無游氛天高風景澈

陵岑聳逸峯遙瞻皆奇絕芳菊開林耀青松冠巖列懷此

貞秀姿卓爲霜下傑
銜鳩念幽人千載撫爾訣
簡素不獲展厭厭竟良月

於王撫軍座送客

秋日淒且厲百卉具已靡
爰以履霜節登高饒將歸寒氣
冱山澤游雲條無依洲渚思
緬邈風水互乖違瞻夕欣良
讌離言聿云悲晨鳥暮來還
懸崖斂餘輝逝一作止判殊
路旋駕悵遲遲目送回舟遠
情隨萬化遺

與殷晉安別

殷先作晉安南府長史掾因居潯陽後作太尉參軍移家東下作此以贈

遊好非久長一遇盡殷勤
信宿酬清話益復知爲親
去歲

家南里薄作少時鄰負杖肆游從淹留忘宵晨語默自殊
勢亦知當乖分未謂事已及興言在茲春飄飄西來風悠
悠東去雲山川千里外言笑難爲因良才不隱世江湖多
賤貧脫有經過便念來存故人

贈羊長史

左軍羊長史銜使秦川作此與之

愚生三季後慨然念黃虞得知千載外政賴古人書賢聖
留餘跡事事在中都豈忘游心目關河不可踰九域甫已
一逝將理舟輿聞君當先邁負病不獲俱路若經商山爲
我少躊躇多謝綺與角精爽今何如紫芝誰復採深谷久
應蕪駟馬無賈患貧賤有交娛清謠結心曲人乖運見疎

擁懷累代下言盡意不舒

歲暮和張常侍

市朝悽舊人驟驥感悲泉明旦非今日歲暮余何言素顏
歛光潤白髮一已繁濶哉秦穆談旅力豈未愆向夕長風
起寒雲沒西山洌洌氣遂嚴紛紛飛鳥還民生鮮常在矧
伊愁苦纏屢闕清醑至無以樂當年窮通靡攸慮顛頓由
化遷撫已有深懷履運增慨然

和胡西曹示顧賊曹

蕤賓五月中清朝起南颺不駛亦不遲飄飄吹我衣重雲
蔽白日閒雨紛紛微微流目視西園燁燁榮紫葵於今甚可
愛奈何當復衰一作當樂行復衰非感物願及時每恨靡所揮悠悠

待秋稼寥落將賒遲逸想不可淹猖狂獨長悲

悲從弟仲德一首

銜哀過舊宅悲淚應心零借問爲誰悲懷人在九冥禮服
名羣從恩愛若同生門前執手時何意爾先傾在數竟未
免爲山不及成慈母況哀疚二允纔數齡雙位委空館朝
夕無哭聲流塵集虛坐宿草履前庭階除曠遊迹園林獨
餘情翳然乘化去終天不復形遲遲將回步惻惻悲襟作

餘
涕盈

始作鎮軍參軍經曲阿

弱齡寄事外委懷在琴書被褐欣自得屢空常晏如時來
苟冥會婉孌一作婉憇一作憇通衢投策命晨裝暫與田園疎眇眇

孤舟逝縣縣歸思紆我行豈不遙登陟千里餘日倦川塗
異心念山澤居望雲慙高鳥臨水愧游魚真想初在襟誰
謂形迹拘聊且憑化遷終返班生廬

庚子歲五月中從都還阻風於規林二首

行行循歸路計日望舊居一欣侍溫顏再喜見友于鼓棹
路崎曲指景限西隅江山豈不險歸子念前途凱風負我
心戢柁守窮湖高莽眇無界夏木獨森疎誰言客舟遠近
瞻百里餘延目識南嶺空歎將焉如

自古歎行役我今始知之山川一何曠異坎難與期崩浪
聒天響長風無息時久游戀所生如何淹在茲靜念園林
好人間良可辭當年詎有幾縱心復何疑

辛丑歲七月赴假還江陵夜行塗中

閒居三十載遂與塵事冥詩書敦宿好林園無俗情如何
捨此去遙遙至南荆叩枻新秋月臨流別友生涼風起將
夕夜景湛虛明昭昭天宇濶島島川上平懷役不遑寐中
宵尙孤征商歌非吾事依依在耦耕投冠旋舊墟不爲好
爵縈養真衡門下庶以善自名

癸卯歲始春懷古田舍二首

在昔聞南畝當年竟未踐屢空既有人春興豈自免夙晨
裝吾駕啟塗情已緬烏嘒歡新節冷風送餘善一作鳥弄
新節冷風
送餘
寒善寒竹一作
草非被荒蹊地爲罕一作
幽非人遠是以植杖翁悠
然不復返卽理愧通識所保詎乃淺

先師有遺訓憂道不憂貧瞻望邈難逮轉欲思一作志非長勤
秉耒歡時務解顏勸農人平疇交遠風良苗亦懷新雖未
量成功卽事多所欣耕種有時息行者無問津日入相與
歸壺漿勞近鄰長吟掩柴門聊爲隴畝民

癸卯歲十二月中作與從弟敬遠

寢迹衡門下邈與世相絕顧盼莫誰知荆扉晝常閉必結切

淒淒歲暮風翳翳經夕一作日非雪傾耳無希聲在目皓已潔

勁氣侵襟袖簞瓢謝屢設蕭索空宇中了無一可悅歷覽

千載書時時見遺烈高操非所攀一作深非得固窮節平津

苟不由棲遲評爲拙寄意一言外茲契誰能別

乙巳歲三月爲建威參軍使都經錢溪

我不踐斯境歲月好已積晨夕看山川事事悉如昔微雨
洗高林清颺矯雲翮眷彼品物存義風都未隔伊余何爲
者勉勵從茲役一形似有制素襟不可易園田日夢想安
得久離析終懷在歸一作舟諒哉宜一作霜柏

還舊居

疇昔家上京十一非載去還歸今日始復來惻愴多所悲
阡陌不移舊邑屋或時非履歷周故居鄰老罕復遺步步
尋往迹有處特依依流幻百年中寒暑日相推常恐大化
盡氣力不及衰撥置且莫念一觴聊可揮

戊申歲六月中遇火

草廬寄窮巷甘以辭華軒正夏長風急林室頓燒燔一宅

無遺宇舫舟蔭門前迢迢新秋夕亭亭月將圓果菜始復
生驚鳥尙未還中宵竚遙念一盼周九天總髮抱孤介一作
念奄出四十年形迹憑化往靈府長獨閒貞剛自有質玉
石乃非堅仰想東戶時餘糧宿中田鼓腹無所思朝起暮
歸眠既已不遇茲且遂灌西園

己酉歲九月九日

靡靡秋已夕淒淒風露交蔓草不復榮園木空自凋清氣
澄餘滓杳然天界高哀蟬無留一作響叢一作鴈鳴雲霄

萬化相尋繹人生豈不勞從古皆有沒念之中心焦何以
稱我情濁酒且自陶千載非所知聊以永今朝

庚戌歲九月中於西田獲早稻

人生歸有道衣食固其端孰是都不營而以求自安開春
理常業歲功聊可觀晨出肆微勤日入負耒一作禾還山中
饒霜露風氣亦先寒田家豈不苦弗獲辭此難四體誠已
疲庶無異患干盥濯息簷下斗酒散襟一作非顏遙遙沮溺
心千載乃相關但願長如此躬耕非所歎

丙辰歲八月中於下潁田舍獲

貧居依

依一依事非

稼穡戮力東林隈不言春作苦常恐負所懷

司田眷有秋寄聲與我諧饑者歡初飽東帶候鳴雞揚楫
越平湖汎隨清壑迴鬱鬱荒山裏猿聲聞且哀悲風愛靜
夜一作夜林鳥喜晨開日余作此來三四星火頽姿年逝
已老其事未云乖遙謝荷蓀翁聊得從君棲

責子

白髮被兩鬢肌膚不復實雖有五男兒總不好紙筆阿舒
已二八懶惰故無匹阿宣行志學而不愛文術雍端年十
三不識六與七通子垂九齡但覓梨與栗天運苟如此且
進杯中物

有會而作

并序

舊穀既沒新穀未登頗爲老農而值年灾日月尙
悠爲患未已登歲之功旣不可希朝夕所資烟火
裁通旬日已來始念饑乏歲云夕矣慨然永懷今
我不述後生何聞哉

弱年逢家乏老至更長饑菽麥實所羨孰敢慕甘肥怒如

亞九飯當暑厭寒衣歲月將欲暮如何辛苦悲常善粥者
心深恨蒙袂非嗟來何足吝徒沒空自遺斯濫豈彼志固
窮夙所歸餒也已矣夫在昔余多師

蜡日

風雪送餘運無妨時已和梅柳夾門植一條有佳花我唱
爾言得酒中適何多未能明多少章山有奇歌

飲酒二十首

有序

余閒居寡歡兼比夜已長偶有名酒無夕不飲顧
影獨盡忽焉復醉既醉之後輒題數句自娛紙墨
遂多辭無詮次聊命故人書之以爲歡笑爾

衰榮無定在彼此更共之邵生瓜田中寧似東陵時寒暑

有代謝人道每如茲達人解其會一作趣非逝將不復疑忽與
一觴酒日夕歡相持

積善云有報夷叔在

一作饑非

西山善惡苟不應何事空立言

九十行帶索饑寒况當年不賴固窮節百世當誰傳

道喪向千載人人惜其情有酒不肯飲但顧世間名所以
貴我身豈不在一生一生復能幾倏如流電驚鼎鼎百年
內持此欲何成

棲棲失羣鳥日暮猶獨飛徘徊無定止夜夜聲轉悲厲響
思清晨速去何依依一作厲響思清遠去來何依依非因植孤生松斂翮

遙來歸勁風無榮木此蔭獨不衰託身已得所千載不相

違

結廬在人境而無車馬喧問君何能爾心遠地自偏採菊
東籬下悠然見南山山氣日夕佳飛鳥相與還此中有真
意欲辨已忘言

行止千萬端誰知非與是是非苟相形雷同共譽毀三季
多此事達士似不爾咄咄俗中愚一作惡非且當從黃綺

秋菊有佳色裛露掇其英汎此忘憂物遠我遺世情一觴
誰聊一作非獨進杯盡壺自傾日入羣動息歸鳥趨林鳴嘯傲

東軒下聊復得此生

青松在東園衆草沒糞姿凝霜殄異類卓然見高枝連林
人不覺獨樹衆乃奇提壺挂寒柯遠望時復爲吾生夢幻
間何事繼塵羈

清晨聞叩門倒裳往自開問子爲誰歟田父有好懷壺觴
遠見候疑我與時乖縵縵菲簷下未足爲高棲一世皆尙
同願君泪其泥深感父老言稟氣寡所諧紆轡誠可學達
已詎非迷且共歡此飲吾駕不可回

在昔曾遠遊直去東海隅道路迥且長風波阻一作起非中塗

此行誰使然似爲饑所驅傾身營一飽少許便有餘恐此
非名計息駕歸閒居

顏生稱爲仁榮公言有道屢空不獲年長饑至于老雖留
身後名一生亦枯槁死去何所知稱心固爲好客一作各非養

千金軀臨化消其寶裸葬何必惡人當解意表

長公會一仕壯節忽失時杜門不復出終身與世辭仲理

歸大澤高風始在

一作始

茲一往便當已何爲復狐疑去去

當奚道世俗久相欺擺落悠悠談請從余所之

有客常同止趣舍邈異境一士長獨醉一夫終年醒醒醉

還相笑發言各不領規規一何愚兀傲差若穎寄言酣中

客曰沒燭何炳

一作燭當秉非

故人賞我趣挈壺相與至班荆坐松下數斟已復醉父老

雜亂言觴酌失行次不覺知有我安知物爲貴悠悠迷所

留酒中有深味

貧居乏人工灌木荒余宅班班有翔鳥寂寂無行跡宇宙

何悠悠

一作何悠悠非

人生少至百歲月相從過

一作通非

髣髴早已

白若不委窮達素抱深可惜

少年罕人事游好在六經行行向不惑淹留遂一作非無成
竟抱窮苦節饑寒飽所更敝廬交悲風荒草沒前庭披褐
守長夜晨雞不青鳴孟公不在茲終以翳我情

幽蘭生前庭含薰待清風清風脫然至見別蕭艾中行行
失故路任道或能通覺悟當念還烏盡廢良弓

子雲性嗜酒家貧無由得時賴好事人載醪社所惑觴來
爲之盡是落無不塞有時不肯言豈不在伐國仁者用其
心何嘗失顯默

疇昔苦長饑投耒去學仕將養不得節凍餒固纏已是時
向立年志意多所恥遂盡介然分拂然一作終非歸田卑冉

冉星氣流亭亭復一紀世路廓悠悠楊朱一作非所以止雖

無揮金事濁酒聊可恃

羲農去我久舉世少復眞汲汲魯中叟彌縫使其淳鳳鳥
雖不至禮樂暫得新洙泗輟微響漂流逮狂秦詩書復何
罪一朝成灰塵區區諸老翁爲事誠殷勤如何絕世下六
籍無一親終日馳車走不見所問津若復不快飲空負頭
上市但恨多謬誤君當恕醉人

止酒

居止次城邑逍遙自閒止坐止高蔭下步止華門裏好味
止園葵大懼止稚子平生不止酒止酒情無喜暮止不安
寢晨止不能起日日欲止之營衛止不理徒知止不樂未
信一作非止利已始覺止爲善今朝眞止矣從此一止去將

止扶桑淡清顏止宿容奚止千萬祀

述酒

重離照南陸鳴鳥聲相聞秋草雖未黃融風久已分素礫
晶脩渚南嶽無餘雲豫章抗高門重華固靈墳流涕抱中
歎傾耳聽司晨神州獻佳粟西靈爲我馴諸梁董師旅幸
勝喪其身山陽歸下國成名猶不勤卜生善斯牧安樂不
爲君平生去舊京峽中納遺薰雙陵甫云育三趾顯奇文
王子愛清吹日中翔河汾朱公練九齒閉居離世紛峩峩
西嶺內偃息常所親天容自永固彭殤非等倫

擬古九首

榮榮愔下蘭密密堂前柳初與君別時不謂行當久出門

萬里客中道逢嘉友未言心相醉不在接杯酒蘭枯柳亦
衰遂令此言負一作時沒身一作還朽非多謝諸少年相知不忠一作相非厚
意氣傾人命離隔復何有

辭家夙嚴駕當在志無終問君今何行非商復非戎聞有
田子春節義爲士雄斯人久已死鄉里習其風生有高世
名既沒傳無窮不學狂一作驟非馳子直在百年中

仲春遊時雨始雷發東隅衆蟄各潛駭草木從橫一作此非舒

翩翩新來燕雙雙入我廬先巢故尙在相將還舊居自從
分別來門庭日荒無我心固匪石君情定何如

迢迢百尺樓分明望四荒暮作歸雲宅朝爲飛鳥堂山河
滿目中平原獨茫茫古時功名士慷慨爭此塲一旦百歲

後相與還北邙松柏爲人伐高墳互低昂顏基無遺主遊
魂在何方榮華誠足貴亦復可憐傷

東方有一士被服常不完三旬九遇食十年著一冠辛苦
無此比常有好奇顏我欲觀其人晨去越河關青松夾路
生白雲宿簷端知我故來意取琴爲我彈上絃驚別鶴下
絃操孤鸞願留就君住從今至歲寒

蒼蒼谷中樹冬夏常如茲年年見霜雪誰謂不知時厭聞
世上語結友到臨淄稷下多談士指彼決吾疑裝束既有
日已與家人辭行行停出門還坐更自思不怨道里長但
畏人我欺萬一不合意永爲世笑嗤

一作非

伊懷難具道爲

君作此詩

日暮天無雲春風扇微和佳人美清夜達曙酣且歌歌竟
長歎息持此感人多皎皎雲間月灼灼月中華豈無一時
好不久當如何

少時壯且厲撫劍獨行游誰言行遊近張掖至幽州饑食
首陽薇渴飲易水流不見相知人惟見古時邱路邊兩高
墳伯牙與莊周此士難再得吾行欲何求

種桑長江邊三年望當採枝條始欲茂忽值山河改柯葉
自摧折根株浮滄海春蠶既無食寒衣欲誰待本不植高
原今日復何悔

雜詩十二首

人生無根蒂飄如陌上塵分散逐風轉此已非常身落地

爲

一作流
落成非

兄弟何必骨肉親得歡當作樂斗酒聚比鄰盛

年不重來一日難再晨及時當勉勵歲月不待人

白日淪西河素月出東嶺遙遙萬里輝蕩蕩空中景風來
入房戶夜中枕席冷氣變悟時易不眠知夕永欲言無子
和揮杯勸孤影日月擲人去有志不獲騁念此懷悲悽終
曉不能靜

榮華難久居盛衰不可量昔爲三春藻今作秋蓮房嚴霜

結野草枯悴未遽央日月還復周

一作有
環周非

我去不再陽眷

眷往昔時憶此斷人腸

丈夫志四海我願不知老親戚共一處子孫還相保觴絃

肆朝日樽中酒不燥緩帶盡歡娛起晚眠常早孰若當世

士冰炭滿懷抱百年歸

一作邱壘

用此空名道

憶我少壯時無樂自欣豫
猛志逸四海騫翮思遠翥
荏苒歲月頽此心稍已去
值歡無復娛每每多憂慮
氣力漸衰損轉覺日不如
壑舟無須更引我不得住
前塗當幾許未知止泊處
古人惜寸陰念此使人懼

昔聞長者言掩耳每不喜
奈何五十年終已親此事
求我盛年歡一毫無復意
去去轉欲遠此生難

一作再值傾家

持一作非作樂竟此歲月駛
有子不留金何用身後置

日月不肯遲四時相催迫
寒風拂枯條落葉掩長陌
弱質與一作非運頽元鬢早已白
素標插入頭前途漸就窄
家爲

逆旅舍我如當去客去去欲何之
南山有舊宅

代耕本非望所業在田桑躬親未曾替寒餒常糲糠豈期
過滿腹但願飽粳糧御冬足大布蠶絲以應陽政爾不能
得哀哉亦可傷人皆盡獲宜拙生失其方理也可奈何且
爲陶一觴

遙遙從羈役一心處兩端掩淚汎東逝順流追時遷日沒
星與昴勢翳西山巔蕭條隔天涯惆悵念常餐慷慨思南
歸路遐無由緣關梁難虧替絕音寄斯篇

閒居執蕩志時駛不可稽驅役無停息軒裳逝東崖沉陰
擬薰麝寒氣激我懷歲月有常御我來淹已彌慷慨意綢
繆此情久已離荏苒經十載暫爲人所羈庭宇翳餘木倏
忽日月虧

我行未云遠，回顧慘風涼。春燕應節起，高飛拂塵梁。邊鴈悲無所，代謝歸北鄉。離鵠鳴清池，涉暑經秋霜。愁人難爲辭，遙遙春夜長。

嫋嫋松標崖，婉婉髮柔童子。年始三五間，喬柯何可倚。

一作柯條

何濟澤又作華真可寄養色含津氣，粲然有心理。

詠貧士七首

萬族各有託，孤雲獨無依。曖曖空中滅，何時見餘暉。朝霞開宿霧，衆鳥相與飛。遲遲出林翮，未夕復來歸。

一作已量復歸非

力守故轍，豈不寒與饑。知音苟不存，已矣何所悲。

淒厲歲云暮，擁短一作非褐。曝前軒，南圃無遺秀。枯條盈北園。

傾壺絕餘瀝，闕竈不見烟。詩書塞座外，日昃不遑研。閒居

非陳厄竊有愠見言何以慰我懷賴古多此賢

榮叟老帶索欣然方彈琴原生納決屨清歌暢商

一作音高非

重華去未久貧士世相尋弊襟不掩肘蒸羹常乏斟豈忘
襲輕裘苟得非所欽賜也徒能辯乃不見吾心

安貧守賤者自古有黔婁好爵吾不縈厚饋吾不酬一旦

壽命盡弊服仍

一作蔽覆乃命

不周豈不知其極非道故無憂從

來將千載未復見斯儔朝與仁義生夕死復何求

袁安困積雪邈然不可干阮公見錢入卽日棄其官芻藿

有常溫採莒足朝食豈不實辛苦所懼非饑寒貧富常交

戰道勝無戚

一作厚非

顏至德冠邦閭清節映西關

仲蔚愛幽居遶宅生蒿蓬翳然絕交遊賦詩頗能工舉世

無知音

一作音非

止有一劉龔此士胡獨然實由罕所同介焉

安其業所樂非窮通人事固以拙聊得長相從

昔在黃子廉彈冠佐名州一朝辭吏歸清貧畧難儔年饑
感仁妻泣涕向我流丈夫雖有志固爲兒女憂惠孫一晤
歎腆贈竟莫酬誰云固窮難邈哉此前脩

詠二疏

大象轉四時功成者自去借問衰周來幾人得其趣游目
漢庭中二疏復此舉高嘯返舊居長揖儲君傅餞送傾皇
朝華軒盈道路離別情所悲餘榮何足顧事勝感行人賢
哉豈常譽厭厭閭里歡所營非近務促席延故老揮觴道
平素問金終寄心清言曉未晤放意樂餘年遑恤身後慮

誰云其人亡久而道彌著

詠三良

彈冠乘通津但懼時我遺服勤盡歲月常恐功愈微忠情
謬獲露遂爲君所私出則陪文輿入必侍丹帷箴規嚮已
從計議初無虧一朝長逝後願言同此歸厚恩固難忘君
命安可違臨穴罔遲疑投義志攸希荆棘籠高墳黃鳥聲
正悲良人不可贖泣然霑我衣

詠荆軻

燕丹善養士志在報強嬴招集百夫良歲暮得荆卿君子
死知己提劍出燕京素驥鳴廣陌慷慨送我行雄髮指危
冠猛氣衝長纓飲饑水上四座列羣英漸離擊悲筑宋

意唱高聲蕭蕭哀風逝淡淡寒波生商音更流涕羽奏壯
士驚心知去不歸且有後世名登車何時顧飛蓋入秦庭
凌厲越萬里逶迤過干城圖窮事自至豪主正怔營惜哉
劍術疎奇功遂不成其人雖已没千載有餘情一作斯人
久已没千
載有
深情

讀山海經十三首

孟夏草木長遶屋樹扶疎衆鳥欣有託吾亦愛吾廬既耕
亦已種時還讀我書窮巷隔深轍頗迴故人車歡言一作
然
酌春酒摘我園中蔬微雨從東來好風與之俱汎覽周王
傳流觀山海圖俯仰終宇宙不樂復何如

玉臺

一作
堂非

凌霞秀玉母怡妙顏天地共俱生不知幾何年

靈化無窮已，館宇非一山。高酣發漸謠，寧效俗中言。

迢遞槐江嶺，是謂元圃邱。西南望崑墟，一作崑崙非光氣難與儔。

亭亭明玕照，落落清瑤流。恨不及周穆，託乘一來游。

丹木生何許，迺在崧山陽。黃花復朱實，食之壽命長。白玉凝素液，瑾瑜發奇光。豈伊君子寶，見重我軒黃。

翩翩三青鳥，毛色奇可憐。朝爲王母使，暮歸三危山。我欲因此鳥，具向王母言。在世無所須，惟酒與長年。

逍遙蕪臯上，杳然望扶木。洪柯百萬尋，森散覆暘谷。靈人侍丹池，朝朝爲日浴。神景一登天，何幽不見燭。

粲粲三珠樹，寄生赤水陰。亭亭凌風桂，八榦共成林。靈鳳撫雲舞，神鸞調玉音。雖非世上寶，爰得王母心。

自古皆有没人得靈長不死復不老萬歲如平常赤泉
給我飲員邱足我糧方與三辰游壽考豈渠央

夸父誕宏志乃與日競走俱至虞淵下似若無勝負神力
既殊妙傾河焉足有餘迹寄鄧林功竟在身後

精衛銜微木將以填滄海形天無千歲猛志故常在同物
既無慮化去不復悔徒設在昔心良晨詎可待

巨猾肆威暴欽馭違常旨竄窟強能變祖江遂獨死明明
上天鑒爲惡不可履長枯固已劇鷓鴣豈足恃

鴈鵝當作鵝見城邑其國有放士念彼懷王世當時數來止

青邱有奇鳥自言獨見爾本爲迷者生不以喻君子

巖巖顯朝市帝者慎用才何以廢共鯨重華爲之來仲父

獻誠言姜公乃見猜臨沒告饑渴當復何及哉

擬挽歌辭三首

有生必有死早終非命促昨暮同爲人今旦在鬼錄魂氣
散何之枯形寄空木嬌兒索父啼良友撫我哭得失不復
知是非安能覺千秋萬歲後誰知榮與辱但恨在世時飲
酒不得足

在昔無酒飲今旦

但一作

湛空觴春醪生浮蟻何時更能嘗

殺案盈我前親舊哭我傍欲語口無音欲視眼無光昔在
高堂寢今宿荒草鄉一朝出門去歸來夜未央

荒草何茫茫白楊亦蕭蕭嚴霜九月中送我出遠郊四面
無人居高墳正煠巵馬爲仰天鳴風爲自蕭條

一作鳥爲
動哀鳴林

爲結
風巖

幽室一已閉千年不復朝
千年不復朝賢達無奈何
向來相送人各自還其家
親戚或餘悲他人亦已歌
死去何所道託體同山阿

桃花源詩

嬴氏亂天紀賢者避其世
黃綺之商山伊人亦云逝
往迹寢復湮來逕遂蕪廢
相命肆農耕日入從所憇
桑竹垂餘蔭菽稷隨時藝
春蠶收長絲秋熟靡王稅
荒路暖交通雞犬互鳴吠
俎豆猶古法衣裳無新製
童孺縱行歌班白歡游詣
草榮識節和木衰知風厲
雖無紀歷誌四時自成歲
怡然有餘樂於何勞智慧
竒蹤隱五百一朝敞神界
淳薄既異源旋復還幽蔽
借問遊方士焉測塵囂外
願言躡輕

風高舉尋吾契

江西詩微卷一

江西詩徵卷一

南城曾燠賓谷編輯

唐

綦丘潛

潛字孝通南康人開元進士由宜壽尉入爲集賢

待制遷右拾遺終著作郎

按全唐詩潛字季通制南人今據文獻通考經

籍志收入

冬夜寓居寄儲太祝

自爲洛陽客夫子吾知音盡義能下士時人無此心奈何
離居夜巢鳥悲空林愁坐至月上復聞南鄰砧

春泛若耶溪

幽意無斷絕此去隨所偶晚風吹行舟花路入溪口際夜
轉西壑隔山望南斗潭煙飛溶溶林月低向後生事且瀟
漫願爲持竿叟

題鶴林寺

道林隱形勝向背臨層霄松覆山殿冷花藏谿路遙珊珊
寶幡挂焰焰明燈燒遲日半空谷春風連上潮少憑水木
興暫令身心調願謝攜手客茲山禪誦饒

題栖霞寺

南山勢迴合靈境依此住殿轉雲崖陰僧探石泉度龍蛇
手翁習神鬼皆密護萬壑奔道場羣峰向雙樹天花飛不
著水月曰成路今日觀身我歸心復何處

送儲十二還莊城

西取何繚繞青林問子家
天寒噪野雀日晚度城鴉
寂歷道傍樹曠曠原上霞
茲情不可說長恨隱淪賒

送章彙下第

長安渭橋路行客別時心
獻賦溫泉畢無媒魏闕深
黃鸞啼就馬白日暗歸林
三十名未立君還惜寸陰

送崔員外黔中監選

持衡出帝畿星指夜郎飛
神女雲迎馬荆門雨濕衣
聽猿收淚罷繫鴈待書稀
蠻貊雖殊俗知君肝膽微

送賈恒明府兼寄溫張二司戶

越客新安別秦人舊國清
舟乘晚風便月帶上潮平
花路

西施石雲峰句踐城明州報兩掾相憶二毛生

送宋秀才

冠古積榮盛當時數戟門舊交丞相子繼世五侯孫
長劍倚天外短書盈萬言秋風一送別江上黯消魂

送鄭務拜伯父

名公作逐臣驅馬拂行塵舊國問鄖子勞歌過郢人一川
花送客二月柳宜春奉料竹林興寬懷此別晨

宿太平觀

夕到玉京寢宿冥雲漢低魂交仙室蝶曙聽羽人雞滴瀝
花上露清冷松下谿明當訪真隱揮手入無倪

題靈隱寺山頂禪院

招提此山頂下界不相聞塔影挂清漢鐘聲和白雲觀空
靜室掩行道衆香焚且駐西來駕人天日未曛

若耶溪逢孔九

相逢此溪曲勝托在煙霞潭影竹間動巖陰簷外斜人言
上皇代犬吠武陵家借問淹留日春風滿若耶

宿龍興寺

香剎夜忘歸松青古殿屏燈明方丈室珠繫比丘衣白口
傳心靜青蓮喻法微天花落不盡處處鳥銜飛

題沈東美員外山池

仙郎偏好道鑿沼象瀛洲魚樂隨情性船行任去留秦人
辨雞犬堯日識巢由歸客衡門外仍憐返景幽

過方尊師院

羽客北山尋草堂松徑深養神宗示法得道不知心洞戶
逢雙履寥天有一琴更登元圃上仍種杏成林

經陸補闕隱居

不敢要君徵亦起致君全得似唐虞讜言昨歎離天聽新
象今聞入縣圖琴鎖壞窗風自響鶴歸喬木隱難呼學書
弟子何人在點檢猶存諫草無

登天竺寺

郡有化城最西窮疊嶂深松門當澗口石路在峰心幽見
夕陽霽高逢暮雨陰佛身瞻紺髮寶地踐黃金雲向竹谿
盡月從花洞臨因物成真悟遺世在茲岑

滿公房

世界蓮花藏行人香火緣燈王照不盡中夜寂相傳

過融上人蘭若

山頭禪室挂僧衣窗外無人溪鳥飛黃昏半在下山路却聽鐘聲連翠微

早發上東門

十五能行西入秦三十無家作路人時命不將明主合布衣空染洛陽塵

陶峴

峴潯陽人潛之裔孫開元中家於峴山與孟彥深

孟雲卿焦遂遊吳越間謂之水仙

西塞山下迴舟作

匡廬舊業是誰主吳越新居安此生白髮數莖歸未得青
山一望計還成鴉翻楓葉夕陽動鷺立蘆花秋水明從此
舍舟何所詣酒旗歌扇正相迎

楊志堅

志堅臨川人嗜學而貧顏魯公爲臨川內史敬禮
之

送妻

平生志業在琴詩頭上如今有二絲漁父尙知谿谷暗山
妻不信出身遲荆釵任意撩新鬢明鏡從他別畫眉今日
便同行路客相逢卽是下山時

劉脊虛

脊虛字余一新吳人開元中舉宏詞累官崇文館

校書郎與孟浩然王昌齡相友善有集五卷

按全唐詩

脊虛江東人今從江西通志收入新吳卽今奉新

江南曲

美人何蕩漾湖上風日長玉手欲有贈裴回雙明璫歌聲隨綠水怨色起青陽日暮還家望雲波橫洞房

九日送人

海上正搖落客中還別離同舟去未已遠送新相知流水意何極滿尊徒爾爲從來菊花節早已醉東籬

暮秋揚子江寄孟浩然

木葉紛紛下東南日煙霜林山相晚暮天海空青蒼暝色
况復久秋聲亦何長孤舟兼微月獨夜仍越鄉寒笛對京
口故人在襄陽詠思勞今夕江漢遙相望

潯陽陶氏別業

陶家習先隱種柳長江邊朝夕潯陽郭白衣來幾年霽雲
明孤嶺秋水澄寒天物象自清曠野情何綿聯蕭蕭邱中
實明宰非徒然願守黍稷稅歸耕東山田

登廬山峰頂寺

孤峰臨萬象秋氣和清天際南郡出林端西江明山門
二緇叟振錫聞幽聲心照有無界業懸前後生雖知真機
靜尚與愛網并方首金門路未遑參道情

尋東溪還湖中作

山山更回首日暮清溪深東嶺新別處數猿呌空林昔遊
有初迹此路還獨尋幽興方在在歸懷復爲今雲峰勞前
意湖水成遠心望望已超越坐鳴舟中琴

送韓平兼寄郭微

上客夜相過小童能酤酒卽爲臨水處正值歸鴈後前路
望鄉山近家見門柳到時春未暮風景自應有余憶東州
人經年別來久殷勤爲傳語日夕念攜手兼問前寄書書
中復達否

寄閩防

青冥南山口君與緇錫鄰深路入古寺亂花隨暮春紛紛

對寂寞往往落衣巾松色空照水經聲時有人晚心復南
望山遠情獨親應以修在業亦惟立此身深林度空夜煙
月資清真莫歎文明日彌年徒隱淪

海上詩送薛文學歸海東

何處歸且遠送君東悠悠滄溟千萬里日夜一孤舟曠望
絕國所微茫天際愁有時近仙境不定若夢遊或見青色
古孤山百里秋前心方杳眇後路勞夷猶離別惜吾道風
波敬皇休春浮花氣遠思逐海水流日暮驪歌後永懷空
滄洲

越中問海客

風雨滄洲暮一帆今始歸白云發南海萬里速如飛初謂

落何處永將無所依冥茫漸西見山色越中微誰念去時
遠人經此路稀泊舟悲且泣使我亦霑衣浮海焉用說憶
鄉難久違縱爲魯連子山路有柴扉

闕題

道由白雲盡春與青溪長時有落花至遠隨流水香閉門
向山路深柳讀書堂幽映每白日清輝照衣裳

寄江潛求孟六遺文

南望襄陽路思君情轉親偏知渙水廣應與孟家鄰在日
貪爲善昨來聞更貧相如有遺草一爲問家人

積雪爲小山

飛雪伴春還春庭曉自閑虛心應任道遇賞遂成山峰小

形全秀巖虛勢莫攀以幽能皎潔謂近可循環孤影臨冰
鏡寒光對玉顏不隨遲日盡留顧歲華間

贈喬琳

去年上策不見收今年寄食仍淹留羨君有酒能共醉羨
君無錢能不憂如今五侯不待客羨君不問五侯宅如今
七貴方自尊羨君不過七貴門丈夫會應有知己世上悠
悠何足論

莪葵花歌

昨日一花開今日一花開今日花正好昨日花已老人生
不得長少年莫惜牀頭酤酒錢請君有錢向酒家君不見
莪葵花

王季友

季友豐城人自號雲峯居士舉開元進士歷監察

御史御史中丞

按元結篋中集作河南人考南唐時豐城王子邳爲季友四世孫杜

甫詩云豐城客子王季友蓋籍河南南唐豐城者今從通志收入

別李季友

棲鳥不戀枝啾啾在同聲行子馳出戶依依主人情昔時
霜臺饒醜婦羞爾形閉匣三十年皎潔常獨明今日照離
別前途白髮生

寄韋子春

出山秋雲曙山木已再春食我山中藥不憶山中人山中
誰余密白髮自相親雀鼠晝夜無知我厨廩貧依依北舍

松不厭我南鄰有情盡捐棄土石爲同身夫子質千尋天
澤枝葉新余以不材壽非智免斧斤

雜詩

采山仍采隱在木不在深持斧事遠遊固非匠者心翳翳
青桐枝樵爨日所侵斧聲出巖壑四聽無知音豈爲鼎下
薪當復堂上琴鳳鳥久不棲且與枳棘林

滑中贈崔高士瑾

夫子保藥命外身得無咎日月不能老化賜爲筋否十年
前見君甲子過我壽云何今相逢華髮在我後近而知其
遠少見今白首遙信蓬萊宮不死世有元石采盈擔神
方秘其肘問家惟指雲愛氣常言酒攝生固如此履道常

不朽未能太虛同願亦天地久實腹以芝朮賤形乃芻狗
自勉將勉余良藥在苦口

酬李十六岐

鍊丹文武火未成賣藥販履俱逃名山谷迷行洛陽道乘
流醉卧滑臺城城下故人久離怨一歡適我兩家願朝飲
杖懸沽酒錢暮餐囊有松花飯于何車馬日憧憧李鷹門
館爭登龍干賓揖對若流水五經發難如叩鐘下筆新詩
行滿壁立談古人坐在席問我草堂有卧雲知我山厨無
僮石自耕自刈食爲天如鹿如麋飲野泉亦知世上公卿
貴且養邱中草木年

宿東谿李十五山亭

上山下山入山谷谿中落日留我宿松石依依當主人
人不在意亦是名花出地兩重階絕頂平天一小齋本意
由來是山水何用相逢話舊懷

還山留別長安知己

出山不見家還山見家在山門是門前此去長樵采青谿
誰招隱白髮白相待惟餘澗底松依依色不改

代賀若令譽贈沈千運

相逢問姓名亦存別時無子今有孫山上雙松常不改百
家唯有三家村村南村西車馬道一宿通舟水浩浩澗中
磊磊十里石河上淤泥種桑麥平坡塚墓皆我親滿田主
人是舊客舉聲酸鼻問同年十八七歸下泉分手如何

更此地回頭不語淚潸然

觀于舍人壁畫山水

野人宿在人家少朝見此山謂山曉半壁仍棲嶺上雲開
簾欲放湖中鳥獨坐長松是阿誰再三招手起來遲于公
大笑向予說小弟丹青能爾爲

古塞曲

進軍幾瓠北窮寇勢將變日落沙塵昏背河更一戰驛馬
黃金勒彫弓白羽箭射殺左賢王歸奏未央殿欲言塞下
事天子不召見東出咸陽門哀哀淚如霰

吉中孚

中孚郡陽人大歷十才子之一始爲道士後官校

書郎登宏詞興元中歷翰林學士戶部侍郎

送歸中丞使新羅冊立弔祭

官稱漢獨坐身是魯諸生絕域通王制窮天向水程島中
分萬象日處轉雙旌氣積魚龍窟濤翻風雨聲路長經歲
去海盡向山行復道殊方禮人瞻漢使榮

彭伉

伉宜春人貞元七年登進士第官岳州錄事參軍

青雲千呂

聖布中區化祥符異域雲含春初應呂暈碧已成文東起
隨風暖西流共日曛升時嘉異月爲慶等凝汾輕與晴煙
比高將曉霧分飄飄如可致願此翊明君

寄妻

莫訝相如獻賦遲，錦書誰道淚沾衣。
不須化作山頭石，待我堂前折桂枝。

湛賁

賁宋長史茂之十二世孫，本家毘陵，後爲宜春人。
貞元中登第，官毘陵守。

題歷山司徒右長史祖宅

隳官長史籍，高步歷山椒。
麗句傳黃絹，香名播宋朝。
分能知止足，跡貴出塵囂。
松竹心長固，池臺興自饒。
龍宮欣訪舊，鶯谷忝遷喬。
從事叨承乏，銅章愧在腰。

伏覽呂侍郎

渭

郎員外

丹

舊題十三代祖歷山草堂

詩因書記事

名遂貴知已道勝方晦跡高居葦蓮宮遺文煥石壁桑田
代已變池草春猶碧識尚遇周郎知音荷宗伯調逸南平
兆風清建安跡祖德今發揚還同書史冊

張頂

頂臨川人隱居不仕

獻蔡京

京刺撫州禁魚罟遇頂乘小舟垂釣京使捕之因口授此詩

拋却長竿捲却絲手持箕笠獻新詩臨川太守清如鏡不
是漁人下釣時

楊衡

衡字仲師吳興人元和中與符載崔羣宋濟隱廬

山號山中四友後登第官大理評事有集

盧十五竹亭送姪偁歸山

落葉寒擁壁清霜夜霑石正是憶山時復送歸山客殷勤
一尊酒曉月當窗白

旅次江亭

扣舷不能寐皓露清衣襟彌傷孤舟夜遠結萬里心幽興
惜瑤草素懷寄鳴琴三秦月初上寂寥寒江深

征人

西風屢鳴雁東郊未升日繁煙幕幕昏暗騎蕭蕭出望雲
愁玉塞眠月想蕙質借問露霑衣何如香滿室

遊陸先生故巖居

江世詩卷二
獨壑臨萬嶂蒼苔絕行跡仰窺援挂樹俯對鶴巢石上有
一巖屋相傳靈人宅深林無陽暉幽水轉鮮碧拾薪遇遺
鼎探穴得古籍結念候雲興燒香坐終夕

題元和師仙藥室

山邊蕭寂室石掩浮雲扇
遶室微有路松煙深冥冥入松
汲寒水對鶴問仙經石几香未盡
水花風欲零何年去華表幾度窮
蒼冥却顧宦遊子眇如霜中螢

宿陸氏齋賦得殘燈詩

殷勤照永夜屬思未成眠
餘暉含薄霧落燼迸空筵誰比
秦樓曉絨愁別幌前

夷陵郡內敘別

禮娶嗣明德同牢夙所欽况蒙生死契豈顧蓬蒿心雁幣
任野薄思愛緣義深同聲若鼓瑟合韻似鳴琴將逐空木
立就贅意難任皎月託言誓滄波信浮沈荆臺理晨轍巫
清疑宵襟憫憫百慮起回回萬恨深候更促徒侶先曉徹
夜禽燈彩凝寒風蟬思噪密林留念同心帶贈遠芙蓉簪
撫懷極投漆感物重黃金分鸞豈遐阻別劍念相尋儻甘
蓬戶賤願俟故山岑

秋夜閑居卽事寄廬山鄭員外蜀郡符處士

憂思繁未整良辰會無由引領遲佳音星紀屢以周蓬閣
絕華耀况乃處窮愁墜葉寒擁砌燈火夜悠悠開琴弄清
弦窮月俯澄流冉冉鴻雁度蕭蕭帷箔秋悵懷石門詠緬

慕碧雞遊髮髯蒙顏色崇蘭隱芳洲

詠春色

靄靄復濛濛非霧滿晴空密添宮柳翠暗泄路桃紅紫絲
光乍失綠隴影纔通夕迷鴛枕上朝漫綺弦中促駟馳香
陌勞鶯轉豔叢可憐腸斷望併在洛城東

遊峽山寺

結構天南畔勝絕固難儔幸蒙時所漏遂得恣閑遊路石
蔭松蓋檻藤維鶴舟雨霽花木潤風和景氣柔寶殿敞丹
扉靈幡垂絳旒照曜芙蓉壺金人居上頭翔禽拂危刹落
日遊層樓端溪瀾漫駛曲澗滂潏流高居何重沓登覽自
夷猶煙霞無隱態巖洞詎遺幽奔駟非久耀馳波肯暫留

會從香火緣滅跡此山邱

送鄭丞之羅浮中習業

百年泛飄忽萬事繫衰榮高鴻脫矰繳達士去簪纓始從
天目遊復作羅浮行雲臥石林密月窺花洞明全形在氣
和習默憑境清夙祕絳囊訣屢投金簡名鐘管促離觴煙
霞隨去程何當真府內重得欵平生

贈羅浮易鍊師

海上多仙嶠靈人信長生榮衛冰雪姿嚙嚼日月精默書
絳符遍晦步斗文成翠髮披肩長金葢凌風輕曉籟息塵
響天雞叱幽聲碧樹來戶陰丹霞照窗明焚香叩虛寂稽
首迴太清鸞鷲振羽儀飛翻拂旒旌左挹玉泉液右舉雲

芝英念得參龍駕攀天度赤城

哭李象

白羅黃犬不將去寂寞空餘墓時路
草死花開年復年後人知是何人
慕憶君思君獨不眠夜寒月照青
楓樹

採蓮曲

疑鮮霧渚夕陽豔綠波風魚遊仁
散藻露重稍歆紅楚客傷暮節吳
娃泣敗藜促令芳本固寧望雪霜
中

題山寺

千峯白露後雲壁挂殘燈曙色海
邊日經聲松下僧意閑門不閉年
去水空澄稽首如何問森羅盡一
乘

送孔周之南海謁王尚書

泛櫂若流萍桂寒山更青望雲生碧落看日下滄溟潮盡
收珠母沙閑拾翠翎自趨龍戟下再爲誦芳馨

冬夜舉公房送崔秀才歸南陽

聞君動征櫂犯夜故來尋強置一尊酒重歎百年心燈白
霜氣冷室虛松韻深南陽三顧地幸偶價千金

山齋獨宿贈晏上人

幢幢雲樹秋黃葉下山頭蟲響夜難度夢閑神不遊窗燈
寒几盡簾雨曉堦愁何以禪棲客灰心在沃州

桂州與陳羽念別

慘戚損志抱因君時解顏重歎今夕會復在幾人間碧桂
水連海蒼梧雲滿山茫茫從此去何路入秦關

經趙處士居

雲居避世客髮白習儒經有地水空綠無人山自青廢梁
悲逝水臥木思荒庭向夕霏煙斂徒看處士星

送人流雷州

逐客指天涯人問此路賒地圖經大庾水驛過長沙臘月
雷州雨秋風桂嶺花不知荒徼外何處有人家

題花樹

都無看花意偶到樹邊來可憐枝上色一一爲愁開

宿吉祥寺寄廬山隱者

風鳴雲外鐘鶴宿千年松相思杳不見月出山重重

邊思

蘇武節旄盡李陵音信稀
梅當隴上發人向隴頭歸

夜半步次古城

茫茫死復生惟有古時城
夜半無烏雀花枝當月明

春夢

空庭日照花如錦紅妝美人當晝寢
傍人不知夢中事唯見玉釵時墜枕

宋 濟

濟德宗時人與楊衡符載同隱廬山

塞上聞笛

胡兒吹笛戍樓間樓上蕭條海月閑
借問梅花何處落風吹一夜滿關山

東鄰美人歌

花暖江城斜日陰鶯啼繡戶曉雲深春風不道珠簾隔傳
得歌聲與客心

符載

載字厚之蜀人隱廬山辟西川掌書記加授監察
御史

甘州歌

月裏嫦娥不畫眉只將雲霧作羅衣不知夢逐青鸞去猶
把花枝蓋面歸

熊孺登

孺登鍾陵人登進士第元和中終藩鎮從事有詩

名與白樂天劉夢得相倡和按輿地廣記寶應元年避代宗諱改豫章

曰鍾陵今之進賢也

日暮天無雲

杳杳復蒼然無雲日暮天象分青氣外景盡赤霄前漸吐
星河色遙生水木煙從容難附麗顧步欲澄鮮但見收三
素何能測上元應非暫呈瑞不許出山川

新成小亭月夜

已被月知處斬新風到來無人伴幽境多取木蘭栽

寒食

東風潑火雨新休昇盡春泥掃雪溝走馬犢車當御路漢
陽公主謝鷄毬

送僧遊山

雲身自在山山去何處靈山不是歸日暮寒林投古寺雪
花飛滿水田衣

與左興宗湓城別

江逢九派人將別猿到三聲月爲秋不知相見更何日此
夜少年堪白頭

正月十五日

漢家遺事今宵見楚郭明燈幾處張深夜行歌聲絕後紫
姑神下月蒼蒼

董監廟

仁傑淫祠廢欲無枯楓老櫟兩三株神烏慣得商人食飛

趁征帆過蠡湖

贈侯山人

一見清容愜素聞有人傳是紫陽君
來時玉女裁春服翦破湘山幾片雲

送馬判官赴安南

故人交趾去從軍應笑狂生揮陣雲
省得蔡州今日事舊曾都護帳前聞

送準上人歸石經院

旃檀刻像今猶少白石鐫經古未嘗歸
去更尋翻譯寺前山應遇鴈門僧

寒食野望

江西詩徵

卷二

唐

六

拜掃無過骨肉親一年唯此兩三辰冢頭莫種有花樹春色不關泉下人

祇役遇風謝湘中春色

水生風熟布帆新只見公程不見春應被百花撩亂笑比來天地一閑人

湘江夜泛

江流如箭月如弓行盡三湘數夜中無那子規知向蜀一聲聲似怨春風

蜀江水

日夜朝宗來萬里共憐江水引蕃心若論巴峽愁人處援比灘聲是好音

寄安南馬中丞

龍韜能致虎符分，萬里霜臺壓瘴雲。
蕃客不須愁海路，波神今伏馬將軍。

甘子堂陪宴上韋大夫

武陵樓上春長早，甘子堂前花落遲。
楚樂怪來聲競起，新歌盡是大夫詞。

青溪村居二首

家占溪南千箇竹，地臨湖上一羣山。
漁船多在馬長放出，處自由閑不閑。

深樹黃鸝曉一聲，林西江上月猶明。
野人早起無他事，貪繞沙泉看笋生。

奉和與元鄭相公早春送楊侍郎

征鞍欲上醉還留
南浦春生百草頭
丞相新裁別離曲
聲飛出舊梁州

送舍弟孺復往廬山

能騎竹馬辨西東
未省煙花暫不同
第一早歸春欲盡
廬山好看過湖風

經古墓

碑折松枯山火燒
夜臺從閉不曾朝
那將逝者比流水
流水東流逢上潮

春郊醉中贈章八元

三月踏青能幾日
百回添酒莫辭頻
看君倒卧楊花裏
始

覺春光爲醉人

吳武陵

武陵初名俛信州人元和進士爲太學博士太和
中出刺韶州尋貶潘州司戶參軍

貢院樓北新栽小松

拂檻愛貞容移根自遠峰
已曾經草沒終不任苔封
葉少初陵雪鱗生欲化龍
乘春濯雨露得地近垣墉
逐吹香微動含烟色漸濃
時迴日月照爲謝小山松

題路左佛堂

雀兒來逐颺風高下視鷹鷂
意氣豪自謂能生千里翼黃
昏依舊委蓬蒿

施肩吾

肩吾字希聖洪州人元和十年登第隱洪州之西山有西山集十卷

夜宴曲

蘭缸如晝曉不眠玉堂夜起沈香烟青娥一行十二仙欲
笑不笑桃花然碧窻弄嬌梳洗晚戶外不知銀漢轉被郎
嗔罰瑠璃盞酒入四肢紅玉軟

效古興

金雀無舊釵綉綺無舊裾唯有一寸心長貯萬里夫南軒
夜蟲織已促北牖飛蛾遶殘燭祇言衆口鑠千金誰信獨
愁銷片玉不知歲晚歸不歸又將啼眼縫征衣

古別離二首

古人謾歌西飛燕十年不見狂夫面三更風作切夢刀萬
轉愁成繫腸線所嗟不及牛女星一年一度得相見

老母別愛子少妻送征郎血流既四面乃一斷二腸不愁
寒無衣不怕飢無糧惟恐征戰不還鄉母化爲鬼妻爲孀

壯士行

一斗之膽撐臟腑如礫之筋礙臂骨有時悞入千人叢自
覺一身橫突兀當今四海無煙塵胸襟被壓不得伸凍臯
殘蠱我不取汚我匣裏青蛇鱗

代征婦怨

寒窻羞見影相隨嫁得五陵輕薄兒長短豔歌君自解淺

深更漏妾偏知畫裙多淚鴛鴦濕雲鬢慵梳玳瑁垂何事
不看霜雪裏堅貞惟有古松枝

送人南游

見說南行偏不易中途莫忘寄書頻凌空瘴氣墮飛鳥解
語山魃惱病人閩縣綠娥能引客泉州烏藥好防身異花
奇竹分明看待汝歸來畫取真

贈邊將

輕生奉國不爲難戰苦身多舊箭瘢玉匣鎖龍鱗甲冷金
鈴襯鶴羽毛寒皂貂擁出花當背白馬騎來月在鞍猶恐
犬戎臨虜塞柳營時把陣圖看

上禮部侍郎陳情

九重城裏無親識，八百人中獨姓施。
弱羽飛時攬箭險，蹇驢行處薄冰危。
晴天欲照盆難反，貧女如花鏡不知。
却道從來受恩地，再求青律變寒枝。

送端上人遊天台

師今欲向天台去，來說天台意最真。
溪過石橋爲險處，路逢毛褐是真人。
雲邊望寺鐘聲遠，雪裏尋僧腳跡新。
只可且論經夏別，莫教琪樹兩迴春。

惜花

落盡萬株紅，無人解繫風。
今朝芳徑裏，惆悵錦機空。

雜古詞

可憐江北女，慣唱江南曲。
搖蕩木蘭舟，雙鳧不成浴。

夜裁鴛鴦綺朝織蒲桃綾欲試一寸心待縫三尺冰
紅顏感暮花白日同流水思君若孤燈一夜一心死

幼女詞

幼女纔六歲未知巧與拙向夜在堂前學人拜新月

弋陽訪古

行逢葛溪水不見葛仙人空拋青竹杖咒作葛陂神

幽居樂

萬籟不在耳寂寂心境清無妨數莖竹時有蕭蕭聲

秋山吟

夜吟秋山上裊裊秋風歸月色清且冷桂香落人衣

湘竹詞

萬古湘江竹無窮奈怨何年年長春筍只是淚痕多

觀花後遊慈恩寺

世事知難了應須問苦空羞將看花眼來入梵王宮

乞巧詞

乞巧望星河雙雙並綺羅不嫌針眼小只道月明多

不見來詞

烏鵲語千回黃昏不見來漫教脂粉匣閉了又重開

定情樂

敢嗟君不憐白是命不諧著破三條裙却還雙股釵

感郎雙條脫新破八幅絹不惜榆莢錢買人金步搖

宿南一上人山房

窻牖月色多坐卧禪心靜青鬼來試人夜深弄燈影

蘭渚泊

家在洞水西身作蘭渚客天盡無纖雲獨坐空江碧

經吳真君舊宅

古仙煉丹處不測何歲年至今空宅基時有五色烟

古相思

十訪九不見甚於菖蒲花可憐雲中月今夜墮我家

山中得劉秀才京書

自笑家貧客到疎滿庭煙草不能鋤今朝誰料三千里忽
得劉京一紙書

望夫詞

手熱寒燈向影頻回文機上暗生塵自家夫婿無消息却恨橋頭賣卜人

憶四明山泉

愛彼山中石泉水幽深夜夜落空裏至今憶得卧雲時猶自涓涓在人耳

歎花詞

前日滿林紅錦遍今日遶林看不見空餘古岸泥塵中零落胭脂兩三片

望曉詞

攬衣起兮望秋河濛濛遠霧飛輕羅蟠桃樹上日欲出白榆枝畔星無多

海邊遠望

扶桑枝邊紅皎皎天雞一聲四溟曉
偶看仙女上青天鸞鶴無多采雲少

對月憶嵩陽故人

團團月光照西壁嵩陽故人千里隔
不知三十六峰前定爲何處峰前客

寄李補闕

蒼生應怪君起遲蒲輪重輾嵩陽道
功成名遂來不來三十六峰仙鶴老

貧客吟

毳毳敝衣無處結寸心耿耿如刀切
今朝欲泣泉客珠及

到盤中却成血

題龍池山人

主人家在龍池側
水中有魚不敢食
終朝采藥供仙廚
却笑桃花少顏色

翫友人庭竹

曾去元洲看種玉
那似君家滿庭竹
客來不用呼清風
此處挂冠涼自足

秋夜山居

幽居正想食霞客
夜久月寒珠露滴
千年獨鶴兩三聲
飛下巖前一枝柏

贈別王鍊師往羅浮

道俗駢闐留不住羅浮山上有心期却愁仙處人難到別後音書寄與誰

戲贈李主簿

官罷江南客恨遙二年空被酒中消不知暗數春游處偏憶揚州第幾橋

春詞

黃鳥啼多春日高紅芳開盡井邊桃美人手暖裁衣易片片輕雲落剪刀

題景上人山門

水有青蓮沙有金老僧於此獨觀心愁人欲寄中峰宿只恐白猿啼夜深

妓人殘粧詞

雲髻已收金鳳皇，巧雲輕黛約殘粧。
不知昨夜新歌響，猶在誰家繞畫梁。

長安春夜吟

露盤滴時河漢微，美人燈下裁春衣。
蟾蜍東去鵲南飛，芸香省中郎不歸。

自述

篋貯靈砂日日看，欲成仙法脫身難。
不知誰向交州去，爲謝羅浮葛長官。

春日宴徐君池亭

暫憑春酒換愁顏，今日應須醉始還。
池上有門君莫掩，從

教野客見青山

山中送友人

欲折楊枝別恨生，一重枝上一啼鶯。
亂山重疊雲相掩，君向亂山何處行。

贈女道士鄭玉華二首

元髮新簪碧蕩花，欲添肌雪餌紅砂。
世間風景那堪戀，長笑劉郎漫憶家。

明鏡湖中休采蓮，却師阿母學神仙。
朱絲誤落青囊裏，猶是篁篔第幾絃。

贈凌仙姥

阿母從天降，幾時前刺惟。
有漢皇知仙桃，不啻三回熟飽。

見東方一小兒

鄂縣村居

欲往村西日日慵上山無水引高蹤誰能求得秦皇術爲我先驅紫閣峰

折柳枝

傷兒路邊楊柳春一重折盡一重新今年還折去年處不送去年離別人

拋纏頭詞

翠娥初罷繞梁詞又見雙鬟對舞時一抱紅羅分不足參差裂破鳳皇兒

春日錢塘雜興二首

酒姥溪頭桑裏裏錢塘郭外柳穆穆路逢鄰婦遙相問小
小如今學養蠶

西鄰年少問東鄰柳岸花隄幾處新昨夜雨多春水濶隔
江桃葉喚何人

翫手植松

却思毫末栽松處青翠纔將衆草分今日散材遮不得看
看氣色欲凌雲

夜笛詞

皎潔西樓月未斜笛聲寥亮入東家却令燈下裁衣婦誤
翦同心一半花

春辨

煎茶水裏花千片，候客亭中酒一樽。
獨對春光還寂寞，羅浮道士忽敲門。

再酬李先輩

清辭再發郢人家，字字新移錦上花。
能使龍宮買綃女，低回不敢織輕霞。

寄四明山子

高樓只在千峰裏，塵世望君那得知。
長憶去年風雨夜，向君窗下聽猿時。

同張鍊師溪行

青溪道士紫霞巾，洞裏仙家舊是鄰。
每見桃花逐流水，無回不憶武陵人。

訪松嶺徐鍊師

千仞峰頭一謫仙，何時種玉已成田。
開經猶在松陰裏，讀到南華第幾篇。

宿蘭若

聽鐘投宿入孤煙，巖下病僧猶坐禪。
獨夜客心何處是，秋雲影裏一燈然。

題禪僧院

棲禪枝畔數花新，飛作琉璃池上塵。
谷鳥自啼猿自叫，不能愁得定中人。

佳人覽鏡

每坐臺前見玉容，今朝不與昨朝同。
良人一夜出門宿，減

却桃花一半紅

送人歸台州

莫驅歸騎且徘徊更遣離情四五杯
醉後不憂迷客路遙看瀑布識天台

經桃花夫人廟

誰能枉駕入荒榛隨例形相土木身
不及連山種桃樹花開猶得識夫人

下第春遊

羈情含蘖復含辛淚眼看花只似塵
天遣春風領春色不教分付與愁人

送僧遊越

麻衣年少雪爲顏，却笑孤雲未是閑。此去若逢花柳月，棲禪莫向苧蘿山。

遇越州賀仲宣

君在鏡湖西畔住，四明山下莫經春。門前幾個采蓮女，欲泊蓮舟無主人。

同諸隱者夜登四明山

半夜尋幽上四明，手攀松桂觸雲行。相呼已到無人境，何處玉簫吹一聲。

秋夜山中贈別友人

何處邀君話別情，寒山木落月華清。莫愁今夜無詩思，已聽秋猿第一聲。

大堤新詠

行路少年知不知襄陽全欠舊來時
宜城賈客載錢出始覺大堤無女兒

宿四明山

黎州老人命余宿杳然高頂浮雲平
下視不知幾千仞欲曉不曉天雞聲

鄭史

史字惟直宜春人谷之父開成元年舉進士第國子博士歷永州刺史著有賦百篇

永州送姪歸宜春

宋玉正秋悲那堪更別離從來襟上淚盡作鬢邊絲
永水

清如此袁江色可知到家黃菊坼亦莫怪歸遲

秋日零陵與幕下諸賓遊河夜飲

澗月蘋風乍暢襟燭前江水練千尋
新秋宋玉能爲賦永夕袁安好共吟
輦下翠蛾須強展尊前綠蟻且徐斟
汀沙漸有珠璣露緩緩棹蘭橈任夜深

喻鳧

鳧南昌人開成中登進士第終烏程尉嘗徙家睦州與方干賦詩在還

按全唐詩作昆陵人今據宋元豐中黃廉所作喻府君墓

表收

入

遊雲際寺

湖壑吼風雷香門絕頂開
閣寒僧不下鐘定虎常來
鳥啄

林梢果颺跳竹裏苔心源無一事塵界擬休回

冬日寄友人

空爲梁甫吟誰竟是知音風雪坐閒夜鄉園來舊心滄江
孤櫂迥落日一鐘深君子久忘我此誠空自沉

送友人南中訪舊知

春盡大方遊思君便白頭地蒸川有毒天暖樹無秋水急
三巴險後分五嶺愁爲緣知己分南國定淹留

晚思

鶴下紫閣雲沉沉翠微雨獨坐正無言孤莊一聲杵

贈空禪師

虎見修行久松知夏臘高寒堂坐風雨瞑目尙波濤

憶故人

銀地無塵金菊開紫梨紅棗墮莓苔一泓秋水一輪月今夜故人來不來

盧肇

肇字子發袁州人會昌三年擢進士第一充集賢院直學士咸通中出知歙州移宣池吉三州卒著有文標集

漢隄詩

上元年秋漢水大溢齧襄堤以入既沈漢郭遂滅峴趾棟榱且流壓溺無算襄之城僅以門免三日水去陷爲大塗餘民棲於楚山號不敢下餒殯相

挽其得全者什六七上大憂曰襄惟東南實脰荆
海若氣不息吾躬曷瘳今天下災於有漢庭垣盡
滌齒幣在淖有嬰墜井毋實號之今襄人盡墜吾
號尙及哉咨乃卿士疇能振之以易吾亂咸以地
官范陽公舊理南粵島夷率化甘於民心僭踐於
襄必克底又上俞以往公旣至省漢之溺由舊防
之不固幾五十載又詢之漢水之不犯襄邠惟是
甚災旣魚土庶災或能嗣孰以遏之募民新漢之
隄食敵其功資三其食因故隄之址廣倍之高再
倍之距襄之郊繚半百里明年春堤成公具以疏
上大歡復襄之疲民一祀賑穀十萬斛民旣保寧

謳歌怡愉旣而舒蘇不知曩之災也昔狄敗衛侯
於熒澤齊桓公帥諸侯城緣陵以居之而衛國忘
亡君子是以稱桓公之德今公之爲是堤也襄有
衛人之思焉而况宣天子之慈以生厥民曷齊桓
之尙哉噫五材之生沴也必極於物物之旣極天
必資明哲以蘇之理之常也古之人有力保一邑
勇禦一寇謂之有功尙以金石載之况捍大災救
大患其美若是豈得無稱焉是以宣聲詩播之登
於樂府惟漢亦有瓠子之歌是可類之謹按正考
甫作商詩公子奚斯命太史克請於周作魯詩皆
其國之公族也肇於公爲族孫幸力於文所不宜

默惟峴之碑曰羊公惟堤之詩曰盧公是古今之
相光昭也其誰曰不然詩曰

陰沴姦陽來暴於襄汨入大鄆波端若鉞觸厚摧高不知
其防駭潰顛委萬室皆毀竈登蛟壘堂集鱣鮪惟恩若讎
母不能子洪濤旣涸閔其虛以隳我堵以剝我廬酸傷
願望若踐邱墟帝曰念嗟朕日南顧流災降慝天曷台怒
滔滔襄郊摔我嬰孺於惟餘氓飢傷喘呼斯爲滯痰孰往
膏傳惟汝元寮僉舉明哲我公用諧苴茅杖節來視襄人
噢咻提挈不日不月哈乎抃悅乃泳故堤陷於沙泥缺落
坳圯由東訖西公曰嗚呼漢之有堤實命襄人不力乃力
則及乃身具鍾與畚漢堤其新帝廩有粟帝府有緡爾成

爾堤必錫爾勤襄人怡怡聽命襄滸背囊肩杵奔走蹈舞
分之卒伍令以麾鼓尋尺旣度日月可數登登業業周旋
上下披岷斲楚飛石輓土舉築殷雷駭汗霏雨疲癡鰥獨
奮有筋臂呀呀來助提筐負管不勞其勞雜沓笑語咸曰
盧公來賜我生斯堤旣成蜿蜿而平確爾山固屹如雲橫
漢流雖狂堅不可蝕代千年億與天無極惟公之堤昔在
人心旣築旣成橫之於南萌渚不峻此門不深今復在茲
於漢之陰斯堤已崇茲民獲祐觀童相慶室以完富貽於
襄人願保厥壽繫公之功赫焉如晝捍此巨災崒若京阜
天子賜之百姓載之族孫作詩昭示厥後

題甘露寺

北固巖端寺佳名自上台地從京口斷山到海門廻曙色
烟中滅潮聲日下來一隅通雉堞千仞聳樓臺林暗疑降
虎江空想度杯福庭增氣象仙磬落昭回覺路花非染流
年景謾催隋宮凋綠草晉室散黃埃西蜀波湍盡東溟日
月開如登最高處應得見蓬萊

江陵府初試澄心如水

丹心何所喻唯水并清虛莫測千尋底難知一勺初內明
方有物上善本無魚澹泊隨高下波瀾逐卷舒餐蒙方浩
浩出險每徐徐若灌情田裏常流盡不如

別宜春赴舉

秋天草木正蕭疎西望秦關別舊居筵上芳樽今日酒篋

中黃卷古人書辭卿且伴銜蘆雁入海終爲戴角魚長短
九霄飛直上不教毛羽落空虛

及第送潘圖歸宜春

三載皇都恨食貧北溟今日化窮鱗青雲乍喜逢知己白
社翁悲送故人對酒共驚千里別看花自感一枝春君歸
爲說龍門寺雷雨初生電遶身

將歸宜春留題新安館

東里如今號鄭鄉西家昔日近邱壻芸臺四部添新學秘
殿三年學老郎天外鴛鴦愁不見山中雲鶴喜相忘猶張
皂蓋歸蓬華直謂時無許子將

御溝水

萬壑朝溟海，禁廼歲月多。無如此溝水，咫尺奉天波。

楊柳枝

青鳥泉邊草木春，黃雲塞上是征人。歸來若得長條贈，不
憚風霜與苦辛。

登祝融寺蘭若

祝融絕頂萬餘層，策杖攀蘿步步登。行到月宮霞外寺，白
雲相伴兩三僧。

被謫連州

黃絹外孫翻得罪，華顛故老莫相嗤。連州萬里無親戚，舊
識惟應有荔枝。

題清遠峽觀音院二首

清潭洞澈深千丈危岫攀蘿上幾層秋盡更無黃葉樹夜
闌惟對白頭僧

風入古松添急雨月臨虛檻背殘燈老猿嘯狖還欺客來
撼窗前百尺藤

黃 頰

頰字無頰宜春人會昌二年登第官監察御史韓
愈爲州刺史時頰師事愈由是名振著有文千篇

和主司王起

二十二年文教主三千上士滿皇州獨陪宣父蓬瀛奏方
接頰生魯衛遊多羨龍門齊變化屢看雞樹第名流升堂
何處最榮美朱紫環樽幾處酬

聞宜春諸舉子陪郡主登河梁翫月

一年秋半月當空
遙羨飛觴接庾公
虹影迴分銀漢上
星輝全寫玉筵中
笙歌送盡迎寒瀟
水雪吟消永夜風
雖向東臺先折桂
不如賓席此時同

李潛

潛字德隱宜春人會昌二年進士

和主司王起

文學宗師心秤平
無私三用佐貞明
恩波舊是仙舟客
德宇新添月桂名
蘭署崇資金色重
蓮峰高唱玉音清
羽毛方荷生成力
難繼鸞皇上漢聲

易重

重字鼎臣宜春人會昌五年擢進士第一官大理

評事

寄宜陽兄弟

六年雁序恨分離詔下今朝遇已知上國皇風初喜日御
堦恩渥屬身時內庭再考稱文異聖主宣名獎藝竒故里
仙才若相問一春攀得兩重枝

潘唐

唐宜春人

下第歸宜春酬黃頗餞別

聖代澄清雨露均獨懷惆悵出咸秦承明未薦相如賦故
國猶慚季子貧御苑鐘聲臨遠水都門樹色背行塵一從

此地曾攜手益羨江頭桃李春

易

偲一作思

偲宜春人

據江西通志載
宜陽集月收入

尋易尊師不遇

爛漫紅霞光照衣
苔封白石路微微
華陽洞裏人何在
落盡松花不見歸

江西詩徵卷二